

## I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

### KULTURA ETA KIROL SAILA

#### **Foru Gobernu Kontseiluaren 131/2023 Erabakia, martxoaren 14koa. Onespena ematea Arabako Lurralde Historikoko eta Trebiñuko enklabeak kulturaren ondarea kontserbatu eta zaharberritzeko esku hartzeetarako dirulaguntzetarako deialdi publikoari**

Arabako Foru Aldundiko Kultura eta Kirol Sailaren eginkizunen artean dago Arabako Lurralde Historikoko kultura ondare higigarri eta higiezinaren kontserbazioa eta zaharberritzea sustatzea, Kultura eta Kirol Sailaren egitura organikoak eta funtzionalak onesten duen otsailaren 22ko 9/2022 Foru Dekretuak jasotzen duen bezala.

Sail honek urte batzuk daramatza Arabako Lurralde Historikoko eta Trebiñuko enklabeak toki erakundeak kultura ondare zaharberritzeko dirulaguntzen urteko bi deialdiak sustatzen: bata kultura ondare higigarriari zuzendua eta bestea higiezinari. Edizio honetan, izapideak errazteko eta prozeduren eraginkortasun eta efizientzia handitzeko, bi deialdi horiek bateratzea proposatzen da, erakunde onuradunak berberak baitira. Horrela, Euskal Sektore Publikoari buruzko maiatzaren 12ko 3/2022 Legeak sustatutako jarduera eta funtzionamendu printzipioak praktikan jarriko dira.

Esku-hartze horiek lege hauek xedatutakoaren arabera egingo dira: Euskal Kultura Ondarearen 6/2019 Legea, Gaztela eta Leongo Kultura Ondarearen uztailaren 11ko 12/2002 Legea, 12/2002 Legea aldatzen duen abenduaren 22ko 8/2004 Legea eta Ondare Urbanizatu eta Eraikia Birgaitzeko Jarduera Babestuei buruzko abenduaren 30eko 317/2002 Dekretua.

Horretarako, Foru Gobernu Kontseiluaren azaroaren 12ko 50/2019 Foru Dekretuaren bidez onetsitako oinarri arautzaileen esparruan, eta ahalik eta zabalkunderik handiena emateko eta publikotasun, lehia eta objektibotasun printzipioen eta berdintasunaren eta diskriminaziorik ezaren berri emateko, ebazpen honen bidez ezartzen dira deialdiak bete behar dituen baldintzak.

Trebiñuko enklabean egiten diren esku-hartzeak Trebiñuko enklabeari buruzko esparru akordioa garatzeko (babestutako ondasun historiko-artistikoak kontserbatzeko, mantentzeko eta zaharberritzeko proiektuen arloan) Burgosko Diputazio Probintzialarekin sinatutako lankidetzaren hitzarmenean jasota daude (Foru Gobernu Kontseiluaren uztailaren 20ko 454/2021 Erabakiaren bidez onartua).

Nahitaezko txostenak aztertu dira.

Horregatik, Kultura eta Kirol Saileko foru diputatuak proposatuta eta Foru Gobernu Kontseiluak gaur egindako bilera gaia aztertu ondoren, honako hau

#### ERABAKITZEN DUT

Lehenengoa. Onespena ematea Arabako Lurralde Historikoko eta Trebiñuko enklabeak kulturaren ondare kontserbatzeko eta zaharberritzeko esku-hartzeetarako dirulaguntzetarako deialdiari. Ebazpen honen I. eranskina.

Bigarrena. Deialdi hori erregulatzen da Kultura eta Kirol Sailaren norgehiagoka bidezko dirulaguntzen oinarri orokor arauemaileen arabera (Foru Gobernu Kontseiluaren 50/2019 Foru Dekretua, azaroaren 12koa, 2019ko azaroaren 20ko 134. ALHAOn argitaratua, martxoaren 2ko 7/2021 Foru Dekretuaren bidez aldatua), Arabako Lurralde Historikoko Dirulaguntzei buruzko urriaren 19ko 11/2016 Foru Arauan xedatutakoaren arabera eta ebazpen honi atxikitako I. eranskinak ezarritakoaren arabera.

Hirugarrena. Ebazpen honen bidez araututako dirulaguntzak Arabako Foru Aldundiaren 2023ko ekitaldiko gastu aurrekontuaren aurrekontu partida hauen kontura ordainduko dira:

– 70109. G/336702/76800700 “Elementu txikiak, eraikinak eta ermitak kontserbatzea eta zaharberritzea. Toki erakundeak”:

- 1. modalitatea. Elementu txikiak: 150.000,00 euro.
- 2. modalitatea. Eraikinak: 150.000,00 euro.
- 3. modalitatea. Ermitak: 100.000,00 euro.

– 70103. G/336701/76290700 “Dirulaguntza: toki erakundeen ondasun higigarrien zaharberrikuntza”:

- 4. modalitatea. Ondasun historiko-artistikoak: 80.000,00 euro.

Laugarrena. Organo eskudunak, balioespen batzordeak proposatuta, eman beharreko ebazpenak emango ditu gehienez ere sei hilabeteko epean, deialdia ALHAOn argitaratzen denetik aurrera. Gehienezko epea igarota esanbidezko ebazpenik ematen ez bada, esan nahiko du eskaera ezetsi egin dela.

Bosgarrena. Laguntza eman edo ukatzen duen ebazpenaren berri emango zaie eskatzaileei banan-banan, bat etorritz Administrazio Publikoen Administrazio Prozedura Erkidearen urriaren 1eko 39/2015 Legeak 41. artikuluan arautzen duenarekin.

Seigarrena. Deialdi hau ALHAOn argitaratzea.

Zazpigarrena. Ebazpen honek administrazio bidea amaitzen du; beraz, Administrazioarekiko Auzietarako Jurisdikzioa arautzen duen uztailaren 13ko 29/1998 Legeak 46. artikuluan xedatutakoari jarraituz, haren aurka administrazioarekiko auzi errekurtsoa aurkeztu ahal izango da, administrazioarekiko auzietarako kasuan kasuko epaitegietan. Horretarako, bi hilabete izango dira, ebazpena jakinarazi ondorengo egunetik aurrera.

Vitoria-Gasteiz, 2023ko martxoaren 14a

*Diputatu nagusia*

**RAMIRO GONZÁLEZ VICENTE**

*Kultura eta Kirol Saileko diputatua*

**ANA M. DEL VAL SANCHO**

*Kultura zuzendaria*

**M. INMACULADA SÁNCHEZ ARBE**

## I. Eranskina

### Arabako Lurralde Historikoko eta Trebiñuko enklabe kultura ondarea kontserbatu eta zaharberritzeko esku-hartzeetarako dirulaguntzetarako deialdia

#### 1. artikulua. Deialdiaren xedea

Deialdiaren xedea da kultura balioa duten kultura ondasun higigarriak eta higiezinak kontserbatu eta zaharberritzeko Arabako Lurralde Historikoko eta Trebiñuko enklabe toki erakundeek 2023ko ekitaldian bultzatzen dituzten esku-hartzeak sustatzea.

Deialdi hau Kultura eta Kirol Sailak lehiaketa bidez emango dituen dirulaguntzak arautuko dituzten oinarri orokorrak onetsi zituen Gobernu Kontseiluaren azaroaren 12ko 50/2019 Foru Dekretuak eta haren ondoko aldaketek arautzen dute.

Lau dirulaguntza modalitate ezartzen dira:

1. Elementu txikiak: ekonomia, lana, erlijioa edo aisialdia helburu duten eraikin eta instalazioen kontserbazio eta zaharberrikuntzarako laguntzak, hala nola iturriak, garbitokiak, karobiak, teileriak, errotak, burdinolak, zubiak, eskortak, erlategiak, elur putzuak, bola jokoak eta pilota jokoak, gurutzeak, gurutzadurak, eta abar.

2. Eraikinak: balio arkitektonikoak direla eta garrantzi handia duten tamaina handiko higiezinak kontserbatzeko eta zaharberritzeko dirulaguntzak.

3. Ermitak: ermitak kontserbatzeko eta zaharberritzeko laguntzak.

4. Ondasun historiko-artistikoak: arkitekturari lotutako ondasun higigarriak eta elementu artistikoak kontserbatzeko eta zaharberritzeko dirulaguntzak, hala nola portadak, kapitelak, giltzarriak, horma pinturak, estaldurak, apaingarriak dituzten harrizko edo morterozko elementuak, ondare bibliografiko eta dokumentala, eta abar.

Jardun horiek lege hauek xedatutakoaren arabera egingo dira: Euskal Kultura Ondarearen 6/2019 Legea, Gaztela eta Leongo Kultura Ondarearen uztailaren 11ko 12/2002 Legea, 12/2002 Legea aldatzen duen abenduaren 22ko 8/2004 Legea eta Ondare Urbanizatu eta Eraikia Birgaitzeko Jarduera Babestuei buruzko abenduaren 30eko 317/2002 Dekretua.

Trebiñuko enklabean egiten diren esku-hartzeak jasota daude Trebiñuko enklabeari buruzko esparru akordioa historia eta arte ondasun babestuek kontserbatu, mantendu eta zaharberritzearen arloan garatzeko Burgosko Diputazio Probintzialarekin izenpetutako lankidetzaren hitzarmenean (Foru Gobernu Kontseiluaren uztailaren 20ko 454/2021 Erabakiaren bidez onetsita).

#### 2. artikulua. Laguntzak emateko prozedura

Dirulaguntza hauek norgehiagoka bidez emango dira.

#### 3. artikulua. Aurrekontu egozpena

Dirulaguntzen zenbateko osoak ezingo du inola ere gainditu helburu horretarako bideratutako hornidura, zeina Arabako Foru Aldundiaren 2023ko ekitaldiko gastu aurrekontuaren partida hauen kontura ordainduko baita, honela banatuta:

— 70109. G/336702/76800700 "Elementu txikiak, eraikinak eta ermitak kontserbatzea eta zaharberritzea: toki erakundeak", 400.000 euro:

- 1. modalitatea. Elementu txikiak: 150.000,00 euro.
- 2. modalitatea. Eraikinak: 150.000,00 euro.
- 3. modalitatea. Ermitak: 100.000,00 euro.

Oinarri arautzaileen 7.1. apartatuan ezarritakoaren arabera (Gobernu Kontseiluaren 50/2019 Foru Dekretua, azaroaren 12koa), laguntza lerro hauetakoren batean sortzen diren soberakinek beste lerroak handitu ahal izango dituzte, betiere deialdiaren guztirako aurrekontua errespetatuz.

– 70103. G/336701/ 76290700 “Dirulaguntza: toki erakundeen ondasun higigarrien zaharberrikuntza”, 80.000 euro:

- 4. modalitatea. Ondasun historiko-artistikoak:

#### **4. artikulua. Dirulaguntzaren gehieneko zenbatekoa**

1. Emango diren dirulaguntzetako bakoitzaren zenbatekoa kalkulatzeko, 11. artikuluan ezarritako ehunekoak aplikatuko zaizkio diruz lagun daitekeen aurrekontuari. Dirulaguntzek ez dute inola ere gaudituko 60.000 euroko zenbatekoa eskatzaile bakoitzeko, 1., 2. eta 3. modalitateen kasuan, eta 40.000 eurokoa eskaera bakoitzeko, 4. modalitatea bada. Era berean, ezingo dute gaudituko inbertsioen guztizko kostuaren ehuneko 80.

2. Arabako Foru Aldundiak, konplexutasun tekniko bereziarengatik nahiz kultura balioagatik gomendagarria denean, dagozkion proiektuak idatzi ahal izango ditu, edo obren zuzendaritzan parte hartu, bere zerbitzu teknikoen bitartez.

#### **5. artikulua. Erakunde onuradunak eta betekizunak**

1. Erakunde onuradunen betekizunak:

a) Arabako Lurralde Historikoko eta Trebiñuko enklabe udalak, kuadrillak eta bestelako toki erakundeak izango dira erakunde onuradunak. Horretarako, diruz laguntzeko diren ekintzen sustatzaile moduan jardun behar dute.

b) Erakunde eskatzaileak dirulaguntzaren xede diren kultura ondasunen titularrak izan beharko dira edo, bestela, haiek erabiltzeko eskubidea izan (kontratua, hitzarmena, gozamina, etab.), bost urtez gutxienez deialdi hau ALHAOn argitaratzen den egunetik aurrera, salbu eta Arabako Foru Aldundiak egiten dituen lagapenak badira.

c) Deialditik kanpo geratzen dira Gobernu Kontseiluaren azaroaren 12ko 50/2019 Foru Dekretuaren hirugarren klausulan jasotzen diren egoeretan dauden erakundeak. Dekretu horrek onespena eman zien Kultura eta Kirol Sailak dirulaguntzak lehiaketa bidez ematea arautzeko oinarri orokorrei.

2. Dirulaguntzaren xede diren kultura ondasunek baldintza hauetakoren bat bete beharko dute:

a) Babes bereziko edo ertaineko maila izatea, honako hauen arabera: Euskal Kultura Ondarearen 6/2019 Legea, Gaztela eta Leongo Kultura Ondarearen uztailaren 11ko 12/2002 Legea eta 12/2002 Legea aldatzen duen abenduaren 22ko 8/2004 Legea.

b) Katalogatzeko proposamenen batean, garrantziko arkitektura multzoren batean edo toki erakundeek, Arabako Foru Aldundiak, Eusko Jaurlaritzak edo Gaztela eta Leongo Juntak egindako inbentarioren batean jasoak egotea.

c) Udal plangintzak edo kultura arloko plangintza sektorialak katalogatuta egotea.

d) Vitoria-Gasteizko Elizbarrutiko monumentu katalogoan agertzea.

#### **6. artikulua. Diruz lagun daitezkeen jarduerak, gastuak eta aldiak**

1. Honako jarduera hauek jaso ahal izango dute dirulaguntza:

– 1. artikuluan azaldutako modalitateetan sartzen diren kultura ondasun higigarri eta higiezinak kontserbatzeko eta zaharberritzeko esku-hartzeak.

– Kontserbatzeko eta/edo zaharberritzeko esku-hartzeak gauatzeko eta ondasun higigarriak eta higiezinak dokumentatzeko beharrezkoak diren proiektuak, azterlanak, inbentarioak eta abar.

– Ondasun higiezinaren inguruko urbanizazio obrak, hiri ikuspegiari balioa emateko balio dutenak zein irizpide funtzionalengatik baino egiten ez direnak.

2. Esku-hartze bakoitzaren barruan, gastu hauek lagundu ahal izango dira diruz:

- Inolako zalantzarik gabe diruz lagundutako jardueraren izaerarekin bat etorri, behar-beharrezkoak izan, eta merkatuko balioa gainditzen ez dutenak.
- Dirulaguntza eskatzen duen erakundearen izenean fakturekin egiaztatutako transakzio ekonomikoa direnak; ez dira onartuko beste erakunde batzuek zuzenean ordainduko dituztenak.
- Balio erantsiaren gaineko zerga (BEZa).
- Aldez aurretiko azterlanen, proiektuaren, zuzendaritza teknikoaren, gauzatze materialaren zuzendaritzaren eta segurtasun eta osasun koordinazioaren ordainsariak.
- Azterlan osagarriak, hala nola: azterketa historikoak, analitikak, erradiografiak, erreflektografia infragorria, eta abar.

3. Diruz lagundu daitekeen aldia:

- 1., 2. eta 3. modalitateak: esku-hartzeak 2023ko urtarrilaren 1a baino geroago hasiak izan beharko dira, eta amaituta egon beharko dute 2023ko abenduaren 29rako.
- 4. modalitatea: esku-hartzeak dirulaguntza emateko ebazpena jakinarazi ondoren hasiak izan beharko dira, eta amaituta egon beharko dute 2023ko abenduaren 29rako.

4. Honako hauek ez dira diruz lagunduko:

a) Kultura eta Kirol Sailak ezarritako gidaleroen eta esku hartzeko irizpideen arabera egindako proiektu edo memoriarik ez duten kontserbazio eta zaharberritze jarduerak. Irizpide horiek web orrian daude jasota (<https://web.araba.eus/documents/105044/5666206/Compendio+de+buenas+prácticas.pdf/>) edo Historia eta Arkitektura Ondarearen Zerbitzuan eta Zaharberrikuntza Zerbitzuan kontsulta daitezke.

b) Auzolanean egindako lanak.

c) Oro har, Arabako Lurralde Historikoko Dirulaguntzei buruzko urriaren 19ko 11/2016 Foru Arauaren 29.7 artikulua arabera berariaz bazterten diren gastuak.

5. Dirulaguntzak kudeatzen dituen organoak, jasotako eskaerak aztertzean, deialdi honen helburua betetzen duten esku hartzeak eta gastuak zein diren ezarri ahal izango du, eta dirulaguntzaren proposamenetik kendu ahal izango ditu, zati batean edo osorik, ezarritakoa betetzen ez duten jarduerak edo gastuak.

6. Arabako Lurralde Historikoko Dirulaguntzen urriaren 19ko 11/2016 Foru Arauak 29.3 artikuluan ezarritakoa betetz, diruz lagundu daitekeen gastuaren zenbatekoa handiagoa bada sektore publikoko kontratuak xedatzen dituzten araudiek kontratu txikirako ezarritako zenbatekoa baino (40.000 euro BEZik gabe, baldin eta obra kontratuak badira, edo 15.000 euro BEZik gabe, baldin eta horniketa edo zerbitzu kontratuak badira), erakunde onuradunak eskaintza bana eskatu beharko die, gutxienez, hiru hornitzailei, zerbitzua edo ondasuna emateko konpromisoa beren gain hartu baino lehen, salbu eta, diruz laguntzeko diren gastuen ezaugarri bereziengatik, nahikoa enpresa ez badago zerbitzu edo hornidura hori eskaintzen duenik edo salbu eta gastua dirulaguntza eskatu baino lehen egin bada.

Aurkeztutako hiru eskaintzak justifikazio txostenean jaso beharko dira, eta eskaintza horien artean hautatzeko, eraginkortasun eta ekonomia irizpideak erabiliko dira. Aukeratutako eskaintza merkeena ez bada, egindako aukera espresuki arrazoitu beharko da memoria batean.

## 7. artikulua. Eskaerak aurkeztea

1. Eskaerak bitarteko elektronikoen bidez Arabako Foru Aldundiaren egoitza elektronikoan aurkeztu behar dira (<https://e-s.araba.eus>). Erakunde eskatzaileek inprimaki bat bete beharko dute aukeratu nahi duten dirulaguntza modalitate bakoitzerako.

2. Erakunde eskatzaileek ezin izango dute eskaera bat baino gehiago aurkeztu modalitate bakoitzeko.

**8. artikulua. Eskaerak aurkezteko epea**

Eskaerak aurkezteko 20 egun balioduneko epea izango da, deialdi hau ALHAOn argitaratu eta hurrengo egunetik aurrera kontatuta.

**9. artikulua. Aurkeztu beharreko agiriak**

Eskaera inprimaki bakoitzarekin batera agiri hauek aurkeztu behar dira:

a) Erakundeko organo eskudunak laguntza programatuak eskatzeko hartutako erabakiaren ziurtapena (erabaki hori eskaerak aurkezteko epea bukatu aurretik hartua izan behar da).

b) Proposatutako esku-hartzea azaltzeko agiria:

– Dagoeneko idatzita badago, gauzatze proiektua, dirulaguntza zein fasetarako eskatzen den zehaztuta.

– Idatzita ez badago edo gauzatze proiekturik behar ez bada: esku-hartzearen azalpen memoria.

Agiri horiek teknikari gaituek egin beharko dituzte, hau da, titulu ofiziala duten profesionalak. Honako hauek izango dira:

– 1., 2. eta 3. modalitateetan, arkitekturako titulu ofiziala dutenak.

– 4. modalitatean, kultura ondasunak kontserbatu eta zaharberritzeko titulu ofiziala dutenak.

Agiri horretan, balorazioan kontuan hartuko diren alderdiak jaso behar dira: ondasunaren eta haren ingurunearen deskribapena; esku-hartzearen premia; kultura aldetik duen balioa, garrantzia eta interesa; genero inpaktua; esku-hartzearen metodologia; hondakinen kudeaketa, eta abar.

c) Esku-hartzearen diru sarreraren eta gastuen aurrekontu xehatua.

d) Kasu bakoitzari aplikagarria zaionaren arabera, 1., 2. eta 3. modalitateetako ondasunetarako, proiektuak, azterlanak eta abar idazteko ordainsarien aurrekontua, eta obra zuzendaritzako ordainsarien (arkitektoa), obraren gauzatze materialaren zuzendaritzako ordainsarien (arkitekto teknikoa) eta segurtasun eta osasun koordinazioko ordainsarien (arkitektoa edo arkitekto teknikoa) aurrekontua.

e) Kultura ondasunaren jabetza egiaztatzen duen agiria edo erabiltzeko eskubidea egiaztatzen duen titulua. Azken kasu horretan, dirulaguntzaren xede diren esku-hartzeak egiteko jabearen baimena aurkeztu beharko da.

**10. artikulua. Eskaerak zuzendu edo hobetzea**

1. Eskaerak osorik bete ezean edo deialdi honetan eskatutako agiriren bat falta izanez gero, interesdunari eskatuko zaio falta diren datuak eta agiriak aurkezteko hamar egun balioduneko epean. Era berean, jakinaraziko zaio, horrela egin ezean, eskaerari uko egin diola ulertuko dela, kasuan kasuko ebazpena eman ondoren.

2. Nolanahi ere, Aldundiko Kultura eta Kirol Sailak aurkeztutako eskaerak behar bezala ulertzeko eta ebaluatzeko behar dituen informazio osagarri guztiak eskatu ahal izango ditu.

**11. artikulua. Prozedura izapidetzea eta balioespen irizpideak**

1. Hauek izango prozedura bideratzeko eskumena duten organoak:

a) Arabako Foru Aldundiko Kultura eta Kirol Saileko Historia eta Arkitektura Ondarearen Zerbitzua, 1., 2. eta 3. modalitateetako ondasunak kontserbatu eta zaharberritzeko laguntzen kasuan.

b) Arabako Foru Aldundiko Kultura eta Kirol Saileko Zaharberrikuntza Zerbitzua, 4. modalitateko ondasunak kontserbatu eta zaharberritzeko laguntzen kasuan.

2. Aurkeztutako eskaerak aztertu eta berrikusiko dituzte prozedura bideratzeko eskumena duten organoek, proposamen bakoitzari puntuazio bat emateko eta diruz lagun daitekeen aurrekontuaren zenbatekoa kalkulatzeko, deialdi honetan ezarritako irizpideen arabera.

Hala dagokionean, organo horiei atxikitako langileek ikuskapen bisitak egingo dituzte laguntzaren xede diren kultura ondasunetan, proposatutako esku-hartzeen egokitasuna egiaztatzeko.

Azterlan horien arabera, gastu edo jarduketa kontzeptuak baztertu edo, hala badagokio, aldatu ahal izango dira.

3. Proposatutako esku-hartzeen balioespena honako irizpide hauek kontuan izanda egingo da:

3.1. 1., 2. eta 3. modalitateetako ondasunak kontserbatzeko eta zaharberritzeko laguntzak (elementu txikiak, ermitak eta eraikinak):

a) Esku-hartzearen premia: 25 puntu.

b) Balio historiko eta arkitektonikoa: 20 puntu.

Kontuan hartuko dira babes bereziko edo ertaineko monumentu adierazpena; udal edo sektore plangintzaren babes katalogoetara sartu izana; Arabako Foru Aldundiaren, Eusko Jaur-laritzaren edo Gaztela eta Leongo Juntaren katalogazio proposamenen batean bildu izana; garrantziko arkitektura multzo batekoa izatea, edo eraikina Arabako Foru Aldundiak edo Gaztela eta Leongo Juntak egindako inbentarioren batean bildu izana.

c) Kultura eta gizarte aldetik duen interesa eta garrantzia: 16 puntu.

Kontuan hartuko dira interes etnografikoa, interes turistikoa, paisaia interesa eta beste erabilera publiko batzuetarako gizarte interesa; baita haiek lurralde proposamen estrategikoetan eta proposamen estrategiko orokorretan sartzea ere (ibilbideak oro har, kultura ibilbideak, 21 Agenda, kuadrilletako proiektu estrategikoak...).

d) Genero inpaktua: 4 puntu.

Kontuan hartuko dira emakumeek eraikitako, sustatutako edo emakumeak protagonista dituen ondarea ikusarazten duten jarduerak, memoria soziala egitea eta berreraikitzea bultzatzen dutenak, bai eta memorializazio prozesuak ere, genero ikuspegitik.

e) Urte anitzeko plangintzetan jasotako obren jarraipena: 25 puntu.

Aurretik diruz lagundutako eta aldeztu aurretiko azterlanetan, aurreproiektuetan edo proiektuetan oinarritutako lanak, baldin eta Historia eta Arkitektura Ondarearen Zerbitzuak finkatutako monumentuak zaharberritzeko irizpideen arabera landu badira	9 puntu
Aurreko faseen jarraipen obrak	9 puntu
2019an, 2020an edo 2021ean eskatutako proiektu edo obrak, bere garaian dirulaguntzarik jaso ez zutenak aurrekontu baliabide ezagatik	7 puntu

Esku-hartzeek azpi irizpide bat, bi edo hirurak bete ditzakete, eta, beraz, puntuak batuko dira puntuazio osoa kalkulatzeko.

Aurreko dirulaguntzat hartuko dira Arabako Foru Aldundiko Historia eta Arkitektura Ondarearen Zerbitzuak eta Zaharberrikuntza Zerbitzuak emandakoak.

f) Aurkeztutako proiektuaren edo memoria teknikoaren kalitatea: 10 puntu.

Kasu horretan, honako hauek balioetsiko dira: aurkeztutako dokumentazio teknikoaren kalitatea; proiektua edo memoria proposatutako esku-hartzeari egokitzen zaion; metodologia; eraikuntzako teknika tradizionalen eta haiekin lotutako materialen erabilera; materialen zikloaren ikuspegi integrala eta obra faseko hondakinen kudeaketa; eta, hori guztia, proposatutako zaharberritzea kultura ondasunari balioa emateko egin dadin, bat etorri aplikatzeak diren arauak ezarritako irizpideekin eta Arabako Foru Aldundiko Historia eta Arkitektura Ondarearen Zerbitzuak monumentuak zaharberritzeari buruz emandako jarraibide eta irizpideekin.

Obrak abian badira Historia eta Arkitektura Ondarearen Zerbitzuaren jarraipenik gabe, balioetsi egingo da dirulaguntza ematea bidezkoa den, obren egoeraren eta egindako esku-hartzeen arabera.

Eskabide bakoitza zerrendatutako irizpide guztietan balioetsiko da, eta lortutako puntuazio guztien baturak diruz lagundu daitekeen aurrekontuaren gehieneko ehunekoa emango du, eskala honen arabera:

LORTUTAKO PUNTUAZIOA	DIRUZ LAGUNDU DAITEKEEN AURREKONTUAREN ZER EHUNEKOK JASO AHAL IZANGO DUEN LAGUNTZA
81-100	ehuneko 80
71-80	ehuneko 72
61-70	ehuneko 68
51-60	ehuneko 64
50 edo gutxiago	ehuneko 60

3.2. 4. modalitateko ondasunak zaharberritzeko eta kontserbatzeko laguntzak:

a) Esku-hartzearen premia: 35 puntu.

b) Balio historiko eta artistikoa: 25 puntu.

Hauexek hartuko dira kontuan: babes erregimenen bat daukan kultura ondasunaren adierazpena; udal edo sektore plangintzaren babes katalogoetara sartu izana; Arabako Foru Aldundiaren, Eusko Jaurlaritzaren edo Gaztela eta Leongo Juntaren katalogazio proposamenen batean bildu izana; garrantziko arkitektura multzo batekoa izatea, edo ondasuna Aldundiak, Gaztela eta Leongo Juntak edo Vitoria-Gasteizko Elizbarrutiak egindako inbentarioren batean bildu izana.

c) Kultura aldetik duen garrantzia eta interesa: 6 puntu.

Kontuan izango da dirulaguntzaren xede den ondare historiko-artistikoa toki publikoan egotea eta bisitatu ahal izatea.

d) Genero inpaktua: 4 puntu.

Kontuan hartuko dira emakumeek sortutako edo emakumeak protagonista dituen ondarea ikusarazten duten jarduerak, memoria soziala egitea eta berreraikitzea bultzatzen dutenak, bai eta memorializazio prozesuak ere, genero ikuspegitik.

e) Aurkeztutako proiektuaren edo memoria teknikoaren kalitatea: 30 puntu.

Hauak balioetsiko dira: dokumentazio teknikoaren kalitatea; proiektua edo memoria zenbait egokitzen zaion proposatutako esku-hartzeari; metodologia, baliabide teknikoak eta materialak egokiak diren; ahalik eta hondakin arriskutsurik gutxien sortzen duen eta isuri kutsagarriak sortzen dituzten produktuak murrizten diren; eta, hori guztia, proposatutako zaharberritzea kultura ondasunari balioa emateari begira egin dadin, bat etorri aplikatzekoak diren arauetan ezarritako irizpideekin eta Arabako Foru Aldundiko Zaharberrikuntza Zerbitzuak emandako zaharberritze jarraibide eta irizpideekin.

Eskabide bakoitza zerrendatutako irizpide guztietan balioetsiko da, eta lortutako puntuazio guztien baturak diruz lagundu daitekeen aurrekontuaren gehieneko ehunekoa emango du, eskala honen arabera:

LORTUTAKO PUNTUAZIOA	DIRUZ LAGUNDU DAITEKEEN AURREKONTUAREN ZER EHUNEKOK JASO AHAL IZANGO DUEN LAGUNTZA
91-100	ehuneko 80
81 - 90	ehuneko 72
71-80	ehuneko 68
61-70	ehuneko 64
50-60	ehuneko 60

Baldin eta dirulaguntzaren xede den jardunak ez badu lortzen 50 puntuko gutxieneko puntuazioa, eskaera ezetsi egingo da.



## 12. artikulua. Ebazpena eta jakinarazpena

1. Balioespen batzorde batek aztertuko ditu eskabideak, eta batzorde hori eratzeko, kontuan hartuko da Eusko Legebiltzarraren emakumeen eta gizonen berdintasunerako eta emakumeen aurkako indarkeria matxistarik gabeko bizitzetarako otsailaren 18ko 4/2005 Legearen indarreko testuaren 3.9 artikulua. Honako hauek osatuko dute:

- Batzordeburua: Kultura zuzendaria edo hark eskuordetutako pertsona.
- Bokalak: Historia eta Arkitektura Ondarearen Zerbitzuaren burua eta Zaharberrikuntza Zerbitzuaren burua edo haiek eskuordetutako pertsonak, eta Kultura Zuzendaritzako bi teknikari.
- Idazkaria: Kultura eta Kirol Saileko Idazkaritza Teknikoko Zerbitzuaren burua edo hark eskuordetutako pertsona; hitza izango du, baina botorik ez.

2. Balioespen batzordeak akta egingo du, aurkeztutako eskaerak deialdian ezarritako irizpideen arabera erkatu ondoren, eta egindako ebaluazioaren emaitza eta eskaeren lehentasun zerrenda zehaztuko du bertan. Balioespen handiena lortu duten erakundeei emango zaie dirulaguntza, betiere deialdian ezarritako aurrekontu zuzkiduraren zenbatekoa gainditu gabe. Berdinketa gertatuz gero, lehentasuna emango zaio e), a), b), c), f) eta d) ataletan puntuaziorik handiena lortu duenari, hurrenez hurren, 1., 2. eta 3. modalitateetan; eta e), a), b), c) eta d) ataletan puntuaziorik handiena lortu duenari, hurrenez hurren, 4. modalitatean.

3. Eskatzaileei ez zaie entzunaldiko izapiderik egingo, zeren eta, ebazpena ematean, erakunde eskatzaileek aurkeztutako gertaerak eta agiriak baino ez baitira aintzat hartuko.

4. Organo eskudunak, balioespen batzordeak proposatuta, eman beharreko ebazpenak emango ditu gehienez ere sei hilabeteko epean, deialdia ALHAOn argitaratzen denetik aurrera. Epe horretan esanbidezko ebazpenik ematen ez bada, eskaera ezetsi egin dela ulertu beharko dute erakunde interesdunek.

5. Dirulaguntza jasoko duten erakunde eskatzaileen zerrenda eta gainerako eskaeren esanbidezko ezespina jaso beharko ditu dirulaguntza emateko ebazpenak. Deialdi honetan onuradun izateko ezarritako baldintza administratibo eta teknikoak bete arren, deialdian ezarritako kredituaren gehieneko zenbatekoa gainditu delako baietsi ez diren eskabide guztien zerrenda ordenatua jasoko du, eskabide bakoitzari emandako puntuazioa adierazita. Erakunde onuradunetako batek dirulaguntzari uko egiten badio, ondoen baloratutako hurrengo proiektua lagundu ahal izango da diruz, eta horrela hurrenez hurren.

6. Ebazpenetan, dirulaguntzaren zenbatekoa, ordaintzeko modua, programa edo jarduera eta dirulaguntza emateko baldintzak adieraziko dira. Egin nahi diren jardunen ezaugarriei ñabardurak eransteko baldintza lotesleak ezarri ahal izango ditu, eta onuradunak, jaso beharreko dirulaguntza jasotzeko orduan, hitz eman beharko du baldintzak horiek beteko dituela.

7. Laguntza eman edo ukatzen duen ebazpenaren berri emango zaie erakunde eskatzaileei banan-banan elektronikoki, bat etorritik Administrazio Publikoaren Administrazio Prozedura Erkidearen urriaren 1eko 39/2015 Legeak 43. artikuluan xedatutakoarekin.

## 13. artikulua. Emandako laguntza onartzea eta eskaerak birformulatzea

1. Baldin eta laguntza eman izanaren jakinarazpena jasotzen denetik hamabost egun igaro ostean erakunde onuradunak berariaz eta idatziz uko egiten ez badio, hura onartutzat joko da. Uko egite hori erabatekoa edo partziala izan daiteke, eta, adibidez, proiektuaren dirulaguntza onartu ahal izango da, eta proiektua gauzatzeari uko egin ahal izango zaio.

2. Prozedurak dirauen bitartean, erakunde onuradunak batek uko egiten badio dirulaguntzari edo dirulaguntzaren zati bati, organo emaileak erabakiko du, posible bada eta beste deialdi bat egin beharrik gabe, dirulaguntza gehiago esleitzea puntuazio hurrenkeran hurrengo dauden eskaerei, baldin eta, betiere, onuradunetako baten ukoarekin, behar beste kreditu liberatzen bada ezetsitako eskaeretako bati, behintzat, erantzuteko. Kasu horretan, emandako dirulaguntzaren

zenbatekoa hasieran zegokiona baino txikiagoa bada, eskabidea birformulatzeko eskatu ahal izango zaio onuradunari, konpromisoak eta baldintzak eman daitekeen dirulaguntzara egokitzeke. Era berean, diruz lagundutako eskaeretan gertatutako gorabeherei eta ezustekoei erantzun ahal izango zaie, hala egiteko premia Historia eta Arkitektura Ondarearen Zerbitzuaren txosten teknikoaren bidez justifikatuta.

3. Eskabideak birformulatzean, betiere, dirulaguntzaren xedea, baldintzak eta helburua errespetatu beharko dira, bai eta eskaerak balioesteko ezarritako irizpideak ere.

#### **14. artikulua. Emandako dirulaguntzak ordaindu eta justifikatzea**

1. Gastuak zuzen zerrendatu eta justifikatutakoan ordainduko da dirulaguntza.

2. Premiazko inguruabar bereziak gertatzen direnean, erakunde hartzaileen izaera eta baliabideak kontuan hartuta, bai eta finantza baliabiderik behar duten ere, justifikatu baino lehen eman ahal izango dira funtsak aurrerakin gisa, bermerik behar izan gabe, dirulaguntzari dagozkion jarduketak gauzatu ahal izateko beharrezko finantzaketa gisa, onuradunak alde aurretik eskatuta eta premia justifikatuta. Aurrerakin horiek ordaindu ahal izango dira baldin eta aurrekontu baliabideak badaude eta emandako dirulaguntza osoaren ehuneko 40 gainditzen ez badute, eta foru araudian ezarritakoaren arabera.

Egindako gastuak, behar bezala zerrendatuak, justifikatu ondoren ordainduko da gainerakoa, eta azken ordainketa horri aurreko paragrafoan aipatutako aurrerakina kenduko zaio.

3. Dirulaguntzen onuradun diren erakundeek, 2023ko abenduaren 29a baino lehen, laguntza justifikatzeko agiri hauek aurkeztu beharko dituzte, bitarteko elektronikoen bidez, Arabako Foru Aldundiaren egoitza elektronikoa (<https://web.araba.eus/es/sede-electronica>):

a) Diruz lagundutako esku-hartzearen kostua justifikatzen duen memoria ekonomikoa, proiektuarekin lotutako gastuak eta diru sarrerak zehatz-mehatz adierazita. Programak eragindako gastuak eta inbertsioak sailkatuta ageri diren zerrenda egingo da, datu hauekin: hartzekodunaren eta agiriaren identifikazioa, zenbatekoa, agiria noiz eman den eta, hala badagokio, ordainketa eguna. Ahal dela, excel formatuan edo baliokidean erantsiko da. Zenbatetsitako aurrekontuarekiko desbideratzeak gertatu badira, azaldu egingo dira.

Jatorrizko fakturak edo dokumentu baliokideak aurkeztu beharko dira soilik baldin eta banaka edo batera, gastu kontzeptu bererako, eta hirugarren edo hornitzaile berarekin lotuta, 2.000 eurotik gorakoak badira (BEZik gabe). Era berean, gastu horien ordainagiriak aurkeztu beharko dira.

b) Diruz lagundutako jarduera finantzatu duten bestelako diru sarreren eta dirulaguntzen xehe-tasunak, zenbatekoa eta jatorria adierazita.

c) Diruz lagundutako kontserbazio eta/edo zaharberrikuntza jarduketaren memoria. Dokumentazio grafiko eta idatzi nahikoa izan beharko du, egindako esku-hartzea eta, hala badagokio, jarduketaren genero inpaktua argi eta garbi deskribatzeko.

d) Hala badagokio, erakunde onuradunak eskatu behar izan dituen hiru aurrekontuak, baldin eta diruz lagundu daitekeen gastuaren zenbatekoa 40.000 eurotik gorakoa bada obra kontratuen kasuan, edo 15.000 eurotik gorakoa bada hornidura edo zerbitzu kontratuen kasuan, eranskin honen 6. artikulua 6. puntuan adierazi bezala.

e) Erakundeak egiaztagiri bat aurkeztu beharko du, zeinean jaso beharko baita espedientera sartzen diren fitxategiak jatorrizkoen irudi zehatza direla, jatorrizkoak erakunde eskatzailearen eskuetan daudela eta Arabako Foru Aldundiaren eskura jarriko dituela hala eskatzen zaionean.

Ez da onartuko eskudirutan ordaintzea 2023ko ekitaldirako indarreko araudian ezartzen den zenbatekoa edo hortik gorakoa (edo horren kontrabalioa atzerriko dirutan).

Aurreko paragrafoan adierazitako zenbatekoa kalkulatzeko, baldin eta ondasun ematea edo zerbitzua zatikatu bada, eragiketa edo ordainketa guztien zenbatekoak batuko dira.

Gastuak ordaindu izana frogatzen ez bada, "justifikatu beharreko aurrerakin gisa" ordainduko da dirulaguntza. Dirulaguntzen onuradun diren erakundeek ordainketa horiek egin direla egiaztatzen duen dokumentazioa aurkeztu beharko dute 2024ko martxoaren 29 baino lehen.

4. Dirulaguntzak justifikatzean baliabide elektronikoen, informatikoen eta telematikoen erabilera arautzen duen uztailaren 17ko EHA/2261/2007 Aginduan xedatutakoarekin bat etorritik, justifikatzeko modu gisa erabili ahal izango dira faktura elektronikoa eta horien formatua Factura-e-ko estandarren arabera izango da. Elektronikoki izenpetutako beste zernahi agiri aurkeztu behar izanez gero, onartu egingo dira konfiantzazko zerbitzu elektronikoa eskaintzen dituzten erakunde kualifikatuen konfiantzazko zerrendan jasotako ziurtagiriak (<http://sede.minetur.gob.es/Prestadores>).

5. Adierazitako epealdian aipatutako dokumentazioa aurkezten ez bada, ordainketa kredituak baliogabetuko dira, eta aurrerakin gisa jasotako diru kopuruak itzultzeko espedientea abiaraziko da.

Dirulaguntza kalkulatzeko oinarritzat hartutako gastuen guztizko aurrekontua justifikatzen ez bada, dirulaguntza berriz kalkulatu da deialdi honen 11. artikuluan ezarritakoaren arabera.

6. Erakunde onuradunak Kultura eta Kirol Sailari ezarritako epea luzatzeko eskatu ahal izango dio, betiere egiaztagiria aurkezteko epea bukatu baino lehen; eta hala badagokio, obrak zergatik atzeratu diren justifikatu beharko du.

#### **15. artikulua. Dirulaguntzen bateragarritasuna**

1. Deialdi honetako laguntzak bateragarriak izango dira xede bera duten eta beste edozein administrazioen edo erakunde publiko edo pribatuen, estatukoen, Europar Batasuneko edo nazioarteko organismoen edo Arabako Foru Aldundiaren beraren beste dirulaguntza, laguntza, diru sarrera edo baliabide batzuekin. Onuradunak helburu bererako beste dirulaguntza edo laguntzarik lortzen edo eskatzen badu, horren berri eman beharko dio dirulaguntza ematen duen organoari.

2. Deialdi honetan araututako dirulaguntzen zenbatekoak, bakarka hartuta edo beste administrazio publiko batzuen edo beste erakunde publiko edo pribatu batzuen dirulaguntza edo laguntzekin batera, ezingo du inola ere gainditu sortutako gastuen kostua.

#### **16. artikulua. Betebehar osagarriak**

1. Kultura ondasun higigarri eta higiezinen gaineko eskumenak esleituta dituzten Kultura eta Kirol Saileko zerbitzuek egingo dute dirulaguntza hauek jasoko dituzten jardueren jarraipena. Haiek egiaztatuko dute ea egokitzen zaizkien berariaz onetsitako proiektuetan, Arabako Foru Aldundiak baimendutako eta diruz lagundutako negozio juridikoetan eta esleipena egiteko onetsi zen ebazpenean jasotako xedapenei.

2. Arabako Foru Aldundiak deialdi honen xede izan diren esku-hartzeen irudiak eta ikus-entzunezko eta idatzizko dokumentazioa erabili ahal izango ditu egindako zaharberritzeak eta proiektuak zabaltzeko eta sustatzeko.

3. Dirulaguntzen onuradunek argi eta garbi adierazi beharko dute Arabako Foru Aldundiko Kultura eta Kirol Sailaren finantzaketa dutela, iragartzeko karteletan, argazkietan nahiz diruz lagundutako proiektua dela-eta argitaratzen diren gainerako material grafiko, idatzizko zein entzunezkoetan. Dokumentazio horrek hizkera eta irudiak era ez-sexistan eta berdintasunez jasoko ditu, eta, gainera, Euskal Autonomia Erkidegoko bi hizkuntza ofizialak erabili beharko dira. Halaber, Arabako Foru Aldundiko Kultura eta Kirol Saileko irudi korporatiboa egoki erabili beharko dute.

4. Arabako Foru Aldundiak diruz lagundutako ondasun historiko-artistikoen lagapena eskatu ahal izango du, aldi baterako erakusgai jartzeko ezin hobeki egokitutako lekuetan eta horretarako egokiak diren lekuetan, zaintza, segurtasun eta kontserbaziorako neurri egokiak jarrita, eta lagatako ondasun historiko-artistikoen mailegurako beste organismo, erakunde eta partikular batzuen eskaerak ebatziko ditu.

5. Era berean, erakunde onuraduna behartuta dago honako hauek betetzera:

a) Obrak behar bezala gauzatzeko egin beharrekoak; hori dela eta, obren sustatzailea dela joko da.

b) Kultura ondarea defendatzeko eta kontrolatzeko eskudunak diren Kultura eta Kirol Saileko organoek diruz lagundutako esku-hartzea berrikusiko dute obrei ekin aurretik, eta kasuan kasuko proiektuak, memoria teknikoak edo behin betiko aurrekontuak egiteko orduan zorrozki jarraitu beharko zaie haien zehaztapenei.

c) Kultura eta Kirol Sailari jakinarazi beharko dio proiektua edo lanak adjudikatze erabakia, hartara gainbegiraketa egin ahal izan dadin.

d) Esku-hartzeak egiten diren bitartean gertatzen den edozein egoera jakingarri Arabako Foru Aldundiko Kultura eta Kirol Sailari ezagutaraziko dio. Hori dela eta, hasierako proiektua aldatzen bada, Arabako Foru Aldundiko sail horri berariazko baimena eskatu beharko dio nahitaez.

e) Halaber, arkeologi azterlana egin behar izatea ekar dezakeen edozein aurkikuntzaren berri eman behar du onuradunak.

f) Kultura ondasun finkatu edo zaharberritua segurtasun, osasun eta apaindura egoera egokian kontserbatzeko konpromisoa hartu behar du.

g) Diruz lagundutako kultura ondasuna beste organismo edo erakunde batera eraman, lekualdatu, mailegatu edo gordailutu bada, horren berri eman behar dio Kultura eta Kirol Sailari.

h) Kultura ondarea defendatu eta aztertzearekin zerikusia duten organismo, erakunde edo elkarte publikoei sartzan utzi behar die diruz lagundutako kultura ondasunetara, bai eta jendeari oro har ere, Arabako Foru Aldundiak halaxe erabakitzen duenean, hartarako ezarritako moduan.

6. Deialdi honetan jasotako esku-hartzea behar bezala justifikatu gabe gauzaten ez bada, edo Arabako Lurralde Historikoko Dirulaguntzei buruzko urriaren 19ko 11/2016 Foru Arauan tipifikatutako edozein arau hauste egiten bada, zehapena ezarri ahal izango da aipatutako xedapenaren IV. tituluaren jasotakoarekin bat etorritik.

### **17. artikulua. Lanen zuzendaritza fakultatiboa**

1. Gauzatze materialaren zuzendaritza, gutxienez, onuradunak horretarako izendatutako arkitektura teknikoko tituludun batek osatuko du. Pertsona horrek bere gain hartuko du, halaber, obretako segurtasun eta osasunaren koordinazioa.

Beharrezkoa bada proiektu tekniko bat idaztea, arkitekturako goi mailako titulu ofiziala duen pertsona batek ere hartu beharko du parte lanen zuzendaritza fakultatiboan.

Obrei esleitu zaizkien teknikariak Historia eta Arkitektura Ondarearen Zerbitzuak ezarritako zaharberritze irizpideen aplikazioaz arduratu beharko dira.

2. Dirulaguntzari lotutako 4. modalitateko ondasunen kontserbazio-zaharberritze lanen zuzendaritza fakultatiboaz Zaharberrikuntza Zerbitzuko langileak arduratuko dira.

Zuzendaritza fakultatiboak kontratatutako enpresari eskatuko dio egikaritze materialaz arduratuko den pertsona bat behintzat izenda dezan. Pertsona horrek kultura ondasunen kontserbazio eta zaharberritze arloko titulu homologatua eduki beharko du.

Ondasun historiko-artistikoaren kontserbazio eta zaharberritze lanei esleitu zaizkien teknikariak Zaharberrikuntza Zerbitzuak ezarritako zaharberritze irizpideen aplikazioaz arduratuko dira.

3. Proiektua egiteko kontratatutako enpresak segurtasunaren eta osasunaren koordinazioa bere gain hartuko du.

**18. artikulua. Kultura ondasunak eskualdatzea**

Erakunde onuradunak, edozein arrazoirengatik, dirulaguntzaren xede den kultura ondasuna salgai jartzea erabakitzen badu bost urte baino epe laburragoan, lehenik eta behin Arabako Foru Aldundiari jakinarazi beharko dio, eskuratu ahal izateko.

Arabako Foru Aldundiak eskuratzea erabakitzen badu, emandako laguntzaren zenbatekoa tasazio prezioetik deskontatuko da, bai eta ondasunak zaharberritzearen ondorioz eskuratu ahal izan duen gainbalioaren zati bat ere, zeina Arabako Foru Aldundiak emandako dirulaguntzarekiko proportzionala izango baita.

Arabako Foru Aldundiak ondasuna ez eskuratzea erabakitzen badu, erakunde onuradunak kultura ondasuna zaharberritzeko emandako laguntza itzuliko dio, baita arestian deskribatutako gainbalioaren zatia ere.

**19. artikulua. Publizitatea**

Deialdi hau ALHAOn argitaratuko da. Halaber, Arabako Foru Aldundiaren web orrian jarriko da: [www.araba.eus](http://www.araba.eus).